

# Chaos Computer Club Lëtzebuerg A.S.B.L.

Den C3L ass eng beim [RCSL](#) registréiert, Lëtzebuergesch Vereenegung ouni Gewënnzweck (A.S.B.L.).

**Registernummer:** F0007653

**Statuten:** [statutes.c3l.lu](https://statutes.c3l.lu).

Den Chaos Computer Club Lëtzebuerg ass deen 23. Mee 2008 gegrënnt ginn. Hei fannt der méi Informatiounen doriwwer: [Geschicht](#).

## Kontakt

**Mail:** [info@c3l.lu](mailto:info@c3l.lu) (GPG-ID: [0x654C9F1D](#))

**Press:** [press@c3l.lu](mailto:press@c3l.lu) (GPG-ID: [0x654C9F1D](#))

**Phone:** +352-27-40-20-30

**Mastodon:** [@c3l@social.c3l.lu](https://social.c3l.lu)

**Website:** [c3l.lu](https://c3l.lu)

<b>B.P.</b>
BPM 332130 Chaos Computer Club Lëtzebuerg, A.S.B.L. Banzelt 4 A L-6921 Roodt-sur-Syre Luxembourg, Europe
<b>Adress</b>
Chaos Computer Club Lëtzebuerg, A.S.B.L. Halle Victor Hugo Room 201 & 203 (2nd Floor) 60 Avenue Victor Hugo L-1750 Luxembourg Luxembourg, Europe

Déi meescht vun eis schwätzen Lëtzebuergesch, Däitsch, Englesch an/oder Franséisch. Schreif eis an där Sprooch déi Iech am beschten läit! (Am meeschten Gléck hu der awer bei LB/EN)

## Iwwert eis

De Club huet sech folgend Ziler ginn:

- Ënnerstëtzung vun der Kommunikatiouns- an Informatiounsfräiheet
- Analyséiere vu Systemer a Warnungen un déi Betraffe schécken
- Bildung am Beräich vun den neien Technologien an dem Dateschutz
- Technesche Virwëtz vu komplexe Systemer ausliewen
- Fërderung vum fantasievollen a kriteschen Ëmgang mat Technologie
- Hëllefstellung a Berodung bei techneschen a rechtleche Froen am Kader vun de gesetzleche Méiglechkeeten.

- Zesummenaarbecht an Austausch mat Nationalen- an Internationale Gruppéierungen, deenen hier Ziler mat deene vum Veräi vereenbar sinn.
- D'Stäipen an d'Stärkung vun de Bierger- a Mënscherechter.

Mir halen eis ganz strikt un d'Hacker Ethik:

1. Den Zougang zu Computer an allem, wat engem weise kann, wéi des Welt funktionéiert, soll onbegrenzt a vollstänneg sinn.
2. All d'Informatiounen musse fräi sinn.
3. Mësstrau Autoritéiten. Fueder Dezentraliséierung.
4. Beuerteel een Hack no deem, wat e mécht, a net no Kritären ewéi Ausgesinn, Alter, Hierkonft, Spezies, Geschlecht oder gesellschaftlech Stellung.
5. Mat engem Computer kann ee Konscht a Schéinheet schafen.
6. Computer kënnen däi Liewen zum Bessere veränneren.
7. Verknascht aner Leits Daten net.
8. Öffentlech Daten notzen, privat Date schützen.

## Mat eis an Kontakt bleiwen

Den éischten Kontakt mat eis ass gemaach? Wann Dir wëllt mat aneren Memberen aus dem Veräin an Kontakt kommen oder matkréien wat sou am Veräin lass ass, dann fannt dir ob der Säit "[Kontakt zur Communautéit](#)" méi Informatiounen!

## Club Organer

Déi folgend Club Organer sinn am Detail ob de jeeweilege Säiten erkläert. Dëst ass awer **keng** Hierarchie Struktur.

<imgcaption label|Organisationsdiagramm></imgcaption>



- [Generalversammlungen](#)
- [Virstand](#)
- [ChaosMeetings](#)
- [Kommissiounen](#)
- [Memberschaft](#)
- [Aktivitéits Rapport](#)

# Finanzen

## Spenden

De Club leeft vun [Spenden](#). Wann Dir eis Aarbecht wäertschätzt, kënt Dir eis gärën e klengen Don maachen.

## Transparenz Rapport

En transparenten [Finanzrapport](#) ass Deel vun eisem Konzept, domat jiddereen weess wéi eis Suen gebraucht ginn a wou se hier kommen.

## Finanz Audit

Op der [uerdentlecher Generalversammlung](#) gëtt een Finanz Audit vun 2 onofhängegen Keesepräifer gemaach. Keesepräifer kënnen dobäi keen Member vum Verwaltungsrat sinn.

## Pressernimmungen vum an iwwert den C3L

Wann Dir gärën déi jeeweileg Pressernimmungen kucken/liesen wëllt, dann fannt der déi op eiser [Säit vun der Press](#).

## Partner

\* [Eng Iwwersiicht](#)

## Logo

All't Logoen vum Veräin sinn CC lizenziert. Dir fannt se an eisem [Artwork Repo](#).

From:  
<https://wiki.c3l.lu/> - **Chaos Computer Club Lëtzebuerg**

Permanent link:  
<https://wiki.c3l.lu/doku.php?id=lb:organization:about>

Last update: **2025/08/03 13:55**

